

ARCHITECTURA

Posta blaua, terma e chaplutta s. Benedetg

La protecziun da la patria svizra è ida online cun ina nova plattafurma da monuments architectonics d'impurtanza dals onns 1975-2000. Er bajetgs grischuns èn da chattar sin questa plattafurma – tranter auter la Posta blaua a Cuira e la terma da Val.

CDM/FMR

Tenor ina comunicaziun da medias da la protecziun da la patria èn radund 100 objects da l'entira Svizra sin questa glista e faschian gust da scuvrir la cultura da bajegiar dal davos quart dal tschientaner passà. Dal Grischun èn quai tranter auter la terma da Val, la chaplutta da Sogn Benedetg a Sumvitg, la Posta blaua a Cuira u il Kirchner Museum a Tavau. La qualitat da quests bajetgs saja extraordinaria, però els sajan strusch inventarisads e stattan per part sut squitsch da vegnir stgarpads giu. Uschia saja in'entira generaziun da bajetgs en privel, scriva la protecziun da la patria.

La pagina è da chattar sut: <https://1975-2000.heimatschutz.ch>



La Posta blaua da Cuira è in dals objects che vegn preschentà sin questa pagina. In'auter object è la terma da Val. FOTOS SOMEDIA

Tensiun cumplaina

Il megljer tiradur giuven dal Grischun è Flurin Zanetti. Tar ils giuvenils è quai Livio Tschärner. Las gruppas victuras èn Sedrun-Tujetsch e Valendau.

GION NUTEGN STGIER/FMR

A Tusaun ha gi lieu il di grischun dals tiradurs giuvens e dals giuvenils. Tar quella occurrenza sa mesira l'elita da tir chantunala da diesch fin 20 onns per eruir ils vairs campions. Tratg il program han 100 mats e mattas. En la concurrenza da gruppas èn quai stadas 16 gruppas da la categoria U21 e sis gruppas dalla categoria U15.

Gia persvas tar il Tir chantunal da la Sursilvania

En absenza dal victur da pliras giadas *Fabio Giger* (Pasqual) ha *Flurin Zanetti* (Sent) gudagnà la concurrenza da la categoria U21. Gia en la qualificaziun aveva il mat che vegn la fin da settember 15 onns tratg precis cun daventar segund ed uschia sa qualifitgar senza nagins problems per il final grischun. A Tusaun ha Zanetti cunzunt tratg fitg ferm en la seria, uschia che gist quella a decidì a la fin finala per ses success. Fatg ha il giuven da l'Engiadina Bassa 92 puncts da 100 puncts pussaivels.

Il pestgader passiuà deriva d'ina famiglia da chatschaders e sunter terminar la scola secundara la primavaira 2024 vul Zanetti far in emprendissadi da ferrer d'armas. La sia victoria a Tusaun è segir nagina surpraisa ha il giuven tiradur gia gi success tar il Tir chantunal da la Sursilvania da questa stada cun cuntanscher en il steg dals giuvens il segund post. *Gianluca Depeder* (Cuira) è vegni a Tusaun sin plaz dus, quai cun er 92 puncts sco Zanetti, dentant cun avair fatg in punct damain en la seria.

Cumplettà il podest ha *Simon Baumgartner* (Puntraschigna), er el cun il resultat da 92 puncts, ma è cun 19 onns il pli vegl dals trais emprims tiradurs en la rangaziun. Tar ils giuvenils ha *Livio Tschärner* (Schiers/Aschera) defendì ses titel e danovamain stà il pli sisum il podest. Il giuvenil da 13 onns ha tratg excellent cun far 92 puncts. *Livia Stucki* (Valendau) è vegnida segunda cun 91 puncts ed il terz plaz è i a *Gian Claudio Laurent* (Sent) cun medembels puncts, però cun far dus puncts pli pauc en la seria che Stucki.

Clera victoria per Sedrun-Tujetsch

Tar ils giuvens è la gruppa da Sedrun-Tujetsch partida en la concurrenza sco ina da las gruppas favoritas. Ils dus tiradurs *Elia Schmed* e *Samuel Albin* e las dus tiraduras *Alicia Beer* e *Ronja Levi* han lura tratg buns resultats en las duas rundas e gudagnà la concurrenza da gruppas tar ils giuvens cun 697 puncts. Puntraschigna cun plaz dus è vegni sin 679 puncts e la gruppa dals Tiradurs da sport Alvra è vegnida terza



La gruppa da Sedrun-Tujetsch, victura da la categoria U21. (da san.) Elia Schmed, Alicia Beer, Ronja Levi, Samuel Albin. FOTOS GION NUTEGN STGIER



Ils victurs da la concurrenza da giuvens e giuvenils a Tusaun. (da san.) Flurin Zanetti e Livio Tschärner.

Samuel Albin e las dus tiraduras *Alicia Beer* e *Ronja Levi* han lura tratg buns resultats en las duas rundas e gudagnà la concurrenza da gruppas tar ils giuvens cun 697 puncts. Puntraschigna cun plaz dus è vegni sin 679 puncts e la gruppa dals Tiradurs da sport Alvra è vegnida terza

cun in resultat da 675 puncts. Tar ils giuvenils è la gruppa da Valendas cun ils fargliuns *Stucki* la gruppa victura. En general è vegni sajettà fitg ferm e quai en omadus categorias U21 ed U15 e la tensiun è stada gronda bunamain fin tar il davos culp.

Dubla campionesa grischuna

Annina Tomaschett è stada a Domat tar il campinadi grischun cun l'arma da 50 meters elita dus giadas il pi sisum il podest. Quai vala er per Martina Herrli, en la categoria dals juniors.

GION NUTEGN STGIER/FMR

Bunas relaziuns, dentant temperaturas malempernaivlas tar il campinadi chantunal 2023 cun l'arma da 50 meters da dumengia passada a Domat. Sajettà è vegni excellent – han tiraduras e tiradurs gist fatg tschintg novs records grischuns.

Tomaschett campionesa grischuna

En la concurrenza en venter è *Annina Tomaschett* (Trun) daventada campionesa grischuna. La tiradura da 23 onns e commembra dal cader naziunal, è vegnida sin plaz dus grazia a ses 618.8 puncts. Il campin grischun 2022 *Lars Färber* (Favugn) ha cumplettà il podest cun far 0.3 puncts pli pauc che Caluori. En la concurrenza trais posiziuns èn Tomaschett, Caluori e Färber stadas danovamain davant en la rangaziun. Qua tras ha la tiradura sursilvana festivà a Domat il medem di ses segund titel da campionesa grischuna. Tratg extraordinari ha To-

maschett cunzunt en la qualificaziun per la concurrenza da trais posiziuns cun far 595 puncts ed uschia in nov record grischun, fin ussa 583 puncts. Las passas da la tiradura da Trun èn sensaziunalas: en schanuglias 97/99 puncts, en venter 100/100 puncts ed en pais 100/99 puncts.



Dus giadas il medem podest. (da san.) Valentina Caluori, Annina Tomaschett, Lars Färber. FOTOS GION NUTEGN STGIER

Medaglias per las junioras da la Surselva

Martina Herrli (Tavau) è ina giada dapli stada ina classa per sasez. La matta cun annada 2005 è sco Tomaschett daventada dubla campionesa grischuna. Herrli ha gudagnà la concurrenza en venter cun 611.5 puncts e la concurrenza trais posiziuns cun 452.2 puncts. *Anja Cadalbert* (Sevgein) e *Chiara Weishaupt* (Degen) han gudagnà argient e bronz en la concurrenza en venter. *Alicia Beer* (Rueras) è vegnida vicecampionesa grischuna en la concurrenza trais posiziuns. Stada sin il podest è en quella disciplina er *Cadalbert* cun plaz trais.



Las trais pli fermas junioras da la concurrenza trais posiziuns. (da san.) Alicia Beer, Martina Herrli, Anja Cadalbert.

La categoria en venter tar ils veterans ha gudagnà *Marie-Louise Degonda* (Cumpadials) avant *Gion Paul Caminada* (Domat) ed *Yvonne Margreth* (Castisch). *Armin Mani* e *Johann Ulrich Mani* (Tumein) ed *Erwin Vincenz* (Laax) èn ils trais megljers da la categoria en venter seniors-veterans.

La categoria en venter tar ils veterans ha gudagnà *Marie-Louise Degonda* (Cumpadials) avant *Gion Paul Caminada* (Domat) ed *Yvonne Margreth* (Castisch). *Armin Mani* e *Johann Ulrich Mani* (Tumein) ed *Erwin Vincenz* (Laax) èn ils trais megljers da la categoria en venter seniors-veterans.